

Parada di Despedida di Robert JeanD'or

Ayera tardi, pueblo di Aruba a participa den un parada alegre, recordando e bida di musico y icono cultural di Aruba, Robert Jeandor, cu un ultimo Parada di Despedida.

Ayera diabierna a tuma lugar e despedida publico y parada. E parada a cuminsa na Aruba Entertainment Center, pasando riba Avenida Milo Croes, Vondellaan y a termina na Cas di Cultura, unda a despedi di Robert cu musica y homenahe. Pueblo a acudi na e parada pa recorda e amor di JeanD'or pa musica y pa despedi di un persona cu tabata hopi stima pa, ademá di su talento, su personalidad carismatico y humilde.

Robert JeanD'or tabata un di e musiconan Arubiano cu mas a destaca internamente, compartiendo escenario cu icononan di musica Latino Americano. Pero tambe e tabata legendario na Aruba, siendo e prome pa gana Rey di Tumba tres biaha consecutivo, y ganando diferente premio na nivel local.

JeanD'or a nace dia 10 di mei 1954 na Aruba. E tabata yiu di Francisco Reinier JeanD'or, un Curasoleño, y Cecilia Bermudez, un Arubiano. JeanD'or a bira famoso den añanan 1970 mientras e tabata forma parti di Los Juveniles hunto cu Vicente Kelly, cu Vito Oduber como manager. Cu Los Juveniles, JeanD'or a keda corona Rey di Tumba di Aruba su Carnaval tres biaha, e prome triple corona den historia di Aruba, cual tabata



na 1976, 1977 y 1978. Robert despues a gana otro dos corona, na 1990 y 1991.

Den añanan 1990, oportunidad a presenta pa e toca riba escenario internacional, ora el a uni Johnny Ventura cu Los Hijos del Rey, un grupo masha gusta na Santo Domingo na 1979. Tabata cu e grupo aki cu JeanD'or a subi escenario na Madison Square Garden na New York, cantando cinco biaha dilanti 24mil persona.

E tambe a toca cu nombernan famoso manera Willie Colon y Celia Croes, y a graba musica pa album di Juan Luis Guerra. E tambe a toca na e famoso festival Chileno, Viña del Mar, ganando e premio Antorcha de Plata cu El Conjunto Quisqueya.

Na 1990, JeanD'or a bolbe Aruba y a forma su propio

grupo, cu eventualmente a bira Robert JeanD'or y Su Solo Banda Show. El a bisa cu el a tuma e decision pa bin Aruba back pasobra "tin biaha bo tera ta yama bo."

Akinan, JeanD'or a destaca cu su grupo como e miho banda local durante Aruba Jazz & Latin Festival. El a gana e premio Den Ambiente na 1992,




y a keda corona Banda di Aña varios biaha durante Carnaval di Aruba.

For di escena musical na Aruba y den exterior, cantidad di tributo a bin pa Robert JeanD'or pa su talento y habilidad, pero tambe pa su personalidad humilde y su curason generoso.

Cu Robert JeanD'or sosega na paz, y cu su leyenda nunca ser lubida.





E forsa di Aruba ta su hendenan cu ta duna bida, balor, y pasion na nos isla digno di cuida y proteha.

Danki na e esfuerso di TUR cu stima Aruba.

Feliz Dia Di Turismo!







